

Prvi pojedinačni Ugovor
za usluge čišćenja snijega sa pristupnih puteva i parkinga u zimskom periodu, OJ Ski
centar Bjelašnica i Igman LOT 1

I UGOVORNE STRANE

KJP „ZOI'84“ OCS d.o.o. Sarajevo
Sjedište: Alipašina bb, 71000 Sarajevo
Kojeg zastupa v.d.Direktor Edis Baković
Identifikacijski broj: 4200347000004
(u daljem tekstu: Naručilac)

i

BOSMAN d.o.o.Sarajevo
Sjedište: Rakovička cesta 18
Kojeg zastupa Sunija Jahić
Identifikacijski broj: 4200329520009
Identifikacijski broj obveznika PDV-a: 200329520009
Transakcijski broj banke, ime i sjedište banke: 1990490077642145 SPARKASSE BANKA
SARAJEVO
(u daljem tekstu: Izvršilac)

II PREDMET UGOVORA

Član 1.

Predmet ovog Ugovora je pružanje usluga čišćenja puteva i parkinga u zimskom periodu, OJ Ski centar Bjelašnica i Igman na osnovu Okvirnog sporazuma broj: 3552/20 od 11.12.2020. godine i Ponudi Izvršioca, broj: 612/P/20 od 24.11.2020. godine, koji su u prilogu ovog Ugovora i čine njegov sastavni dio.

III CIJENA I NAČIN PLAĆANJA

Član 2.

(1) Ugovor se zaključuje sa vrijednošću u iznosu od **45.000,00 KM** (Slovima: četrdesetpethiljada i 00/100 KM) bez uključenog PDV-a, odnosno **52.650,00 KM** (Slovima: pedesetdvijehiljadešeststotinapedeset i 00/100 KM) sa uključenim PDV-om.

(2) Cijena čišćenja snijega i posipanja solju/kamenčićima po efektivnom satu rada stroja iznosi **190,00 KM** bez PDV-a, odnosno **222,30 KM** sa PDV-om po efektivnom satu rada stroja.

(3) Cijena rada utovarivača na čišćenju snijega sa odbacivanjem snijega u stranu po efektivnom satu rada stroja iznosi **155,00 KM** bez PDV-a, odnosno **181,35 KM** sa PDV-om po efektivnom satu rada stroja.

(4) Efektivni sat rada stroja smatra se rad na čišćenju snijega ili posipanjem kolovoza izraženo u satima, a računa se od početka intervencije do povratka sa intervencije. Naručilac pismenim nalogom utvrđuje početak i kraj efektivnog rada.

Član 3.

(1) Obračun poslova na čišćenju i posipanju solju vršiće se na osnovu evidencije o utrošenim satima na čišćenju, prethodno potpisanim i prihvaćenim od strane ovlaštene osobe Naručioca.

(2) Plaćanje Izvršiocu će se vršiti u roku od 60 dana na osnovu ispostavljenih računa te dnevnika rada stroja i radnih naloga koji su sastavni dio računa. Radni nalog početka rada računa se kada Izvršilac stigne na lokaciju iz člana 2. stav (1) ovog Ugovora

Član 4.

(1) Ukoliko Izvršilac u odgovarajućem roku i na ugovoren način ne bude izvršio ugovorene obaveze, kao i u slučaju neopravdanog kašnjenja dužem od 1 sata, cijena čišćenja snijega i posipanja solju/kamenčićima umanjuje se za 30%.

(2) Ukoliko se tokom izvršenja ovog Ugovora utvrdi da je postupak dodjele Ugovora zasnovan na značajnim greškama, nepravilnostima ili prevari za koje je odgovoran Izvršilac, Naručilac može odbiti ili obustaviti plaćanja po ovom Ugovora, zahtjevati povrat plaćenog iznosa ili raskid Ugovora u odnosu na obim i ozbiljnost grešaka, nepravilnosti ili prevara.

(3) Ugovorna kazna ne oslobađa Izvršioca od odgovornosti po propisima Zakona o obligacionim odnosima za neispunjenje ili neuredno ispunjenje ovog Ugovora, sve do namirenja stvarne štete.

(4) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati niti ih predvidjeti.

IV MJESTO I VRIJEME PRUŽANJA USLUGA

Član 5.

(1) Usluga će se vršiti u OJ Ski centar Bjelašnica i Igman.

(2) Izvršilac se obavezuje da će usluge iz člana 1. izvoditi stručno i kvalitetno kamionom i ralicom posipačem sa posipalom, prema postojećim tehničkim normativima.

(3) Izvršilac je obavezan da se odazove pozivu za izvršenje usluge u roku od 24 sata od pismenog poziva Naručioca.

V TRAJANJE UGOVORA

Član 6.

(1) Ovaj Ugovor stupa na snagu danom obostranog potpisivanja od strane ovlaštenih lica ugovorenih strana, a primjenjuje se u periodu od 6 (šest) mjeseca od dana stupanja na snagu, odnosno do potpunog utroška sredstava iz člana 2. ovog Ugovora.

(2) Ugovorni organ će predmet nabavke iz člana 1. nabavljati sukcesivno i zavisno od svojih potreba za vrijeme trajanja ovog ugovora.

(3) U slučaju eventualnih primjedbi Naručioca na kvalitet i količinu, ugovor se može potpuno raskinuti i prije njegovog isteka, uz prethodno izmirenja svih obaveza utvrđenih po osnovu ovog ugovora.

VI ZAVRŠNE ODREDBE

Član 7.

Ugovorne strane su saglasne da Izvršilac nema pravo, u svrhu izvršenja ovog ugovora, zapošljavati fizička ili pravna lica koja su bila sudjelovala u pripremi tenderske dokumentacije ili su bila članovi ili stručne osobe koje je angažovala Komisija za nabavku u postupku koji je prethodio ovom ugovorom, najmanje 6 (šest) mjeseci po zaključenju ugovora, odnosno od početka realizacije ugovora.

Član 8.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost suda opće stvarne nadležnosti u Sarajevu.

Član 9.

(1) Svaka ugovorna strana može pokrenuti postupak raskida ovog Ugovora ako druga strana ne izvršava preuzete utvrđene obaveze, uz otkazni rok od 30 dana od dana prijema pismenog obavještenja o otkazu Ugovora.

(2) Ugovor se raskida pismenom Izjavom koja se dostavlja drugoj ugovornoj strani. U Izjavi mora biti naveden razlog zbog kojeg se raskida ovaj Ugovor.

(3) Ako ugovorne strane sporazumno raskinu ovaj Ugovor, tim sporazumom regulisaće se sva pitanja nastala povodom raskida Ugovora.

Član 10.

Za sve što nije regulirano ovim Ugovorom, primjenjivaće se odredbe Zakona o obligacionim odnosima u Bosni i Hercegovini.


Član 11.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pisanoj formi.

Član 12.

Ovaj Ugovor je sačinjen u 6 (šest) istovjetna primjerka, od kojih svaka sporazumna strana zadržava po 3 (tri) primjerka.

Za Izvršioca


Sunija Jahić, direktor

Za Naručioca


Edis Baković, v.d. direktor



Datum: 14.12. 2020. godine

Datum: 11.12. 2020. godine

Broj: 273/4/20

Broj: 3028/20

